



## CYDBWYLLGOR LLYWODRAETHU PARTNERIAETH PENSIWN CYMRU

**DYDDIAD 8 GORFFENAF 2022**

### **PWNC**

#### **ADOLYGIADAU POLISI BLYNYDDOL**

#### **ARGYMHELLION / PENDERFYNIADAU ALLWEDDOL SYDD EU HANGEN:**

**Cymeradwyo diweddariad i'r:**

- **Polisi Pleidleisio**
- **Polisi Gwrthdrawiad Buddiannau**
- **Polisi Risg**
- **Polisi Risg Hinsawdd**

**Nodi'r diweddariad cynnydd Blynyddol ar Fuddsoddi Cyfrifol a Risg Hinsawdd**

#### **RHESYMAU:**

Cymeradwywyd y Polisi Pleidleisio presennol gan y Cydbwyllgor ym mis Rhagfyr 2020 ac fe gymeradwywyd y Polisi Gwrthdaro Buddiannau, Polisi Risg a'r Polisi Risg Hinsawdd yn gychwynnol gan y Cydbwyllgor ym mis Gorffennaf 2020 ac fe'u hadolygwyd ym mis Gorffennaf 2021. Mae adolygiad blynyddol o'r polisïau hyn wedi cael ei gynnal ac mae angen i'r Cydbwyllgor Llywodraethu gymeradwyo'r polisïau sydd wedi'u diweddarau.

Hefyd, mae Hymans wedi cynnal adolygiad o'r gwaith a wnaed yn unol â'r ymrwymadau a nodir yn y Polisi Buddsoddi Cyfrifol a'r Polisi Risg Hinsawdd ac maent wedi darparu adroddiad sy'n rhoi asesiad o'r cynnydd y mae'r Bartneriaeth wedi'i wneud yn ystod y 12 mis hyd 31 Mawrth 2022 a'r meysydd a fwriedir ar gyfer ffocws yn y dyfodol.

**Awdur yr Adroddiad:**  
**Chris Moore**

**Swydd:**  
Cyfarwyddwr Gwasanaethau  
Corfforaethol  
**Cyngor Sir Gâr**

**Rhif Ffôn: 01267 224160**  
**E. CMoore@carmarthenshire.gov.uk**

**CRYNODEB GWEITHREDOL  
CYDBWYLLGOR LLYWODRAETHU  
DYDDIAD 8 GORFFENNAF 2022**

**ADOLYGIADAU POLISI BLYNYDDOL**

**CRYNODEB BYR O BWRPAS YR ADRODDIAD**

Mae Partneriaeth Pensiwn Cymru (y Bartneriaeth) wedi cymeradwyo sawl polisi / cynllun gaiff eu hadolygu yn flynyddol. Y chwarter hwn, mae'r GS wedi cynnal adolygiad blynyddol o'r:

- Polisi Pleidleisio,
- Polisi Gwrthdrawiad Buddiannau,
- Polisi Risg, a'r
- Polisi Risg Hinsawdd.

Ym mis Rhagfyr 2020, cymeradwyodd y CLI i'r Bartneriaeth fabwysiadu Polisi Pleidleisio Robeco. Mae'r polisi hwn wedi cael ei adolygu gan yr is-grŵp Buddsoddi Cyfrifol a'r Gweithgor Swyddogion a chynigir bod y Bartneriaeth yn parhau i fabwysiadu Polisi Pleidleisio Mewnol Robeco. Mae Robeco yn adolygu a diweddarau eu Polisi Pleidleisio yn rheolaidd i sicrhau ei fod yn cynrychioli ei arfer gorau dilynol ac mae'r Gweithgor Swyddogion yn credu fod yr egwyddorion sydd wedi'u hymgorffori ym Mholisi Pleidleisio Mewnol Robeco yn adlewyrchu'n briodol ar amcanion y Bartneriaeth. Datblygwyd polisi pleidleisio "penodol i'r Bartneriaeth" sy'n nodi polisi'r Bartneriaeth ar bleidleisio drwy ddirprwy mewn perthynas â'r holl asedau sy'n cael eu buddsoddi yn is-gronfeydd y Bartneriaeth. Mae'r polisi hwn hefyd yn cynnwys dolen i Bolisi Pleidleisio Mewnol Robeco.

Mae'r Polisi Gwrthdrawiad Buddiannau yn amlinellu sut mae adnabod gwrthdrawiadau, eu rheoli a'u monitro. Mae'r GS wedi adolygu'r polisi hwn ac wedi'i addasu i adlewyrchu newid enw'r Weinyddiaeth Dai, Cymunedau a Llywodraeth Leol (MHCLG) i'r Adran Codi'r Gwastad, Tai a Chymunedau (DLUHC). Mae amllder yr adolygiad ffurfiol wedi cael ei newid i bob tair blynedd, mae geiriad y polisi (pwynt 12) wedi cael ei addasu yn unol â hynny.

Mae'r Polisi Risg yn amlinellu credoau ac amcanion y Bartneriaeth mewn perthynas â risg, mae'n manylu ei strategaeth o ran sut mae adnabod risgiau, eu rheoli a'u monitro. Mae'r GS wedi cynnal adolygiad blynyddol o'r polisi hwn. Yn yr un modd â'r Polisi Gwrthdrawiad Buddiannau, mae'r polisi hwn wedi'i addasu i adlewyrchu newid enw'r MHCLG ac amllder yr adolygiad ffurfiol wedi'i newid i bob tair blynedd; mae'r geiriad polisi (pwynt 9) wedi'i addasu'n unol â hynny.

Mae'r Polisi Risg Hinsawdd yn nodi dull y Bartneriaeth o ran ymdrin â gofynion yr Awdurdodau Cyfansoddol mewn perthynas â risgiau sy'n ymwneud â hinsawdd a monitro'r risgiau hynny. Mae'r GS wedi cynnal adolygiad blynyddol o'r polisi hwn ac wedi addasu'r polisi i adlewyrchu lansiad yr is-gronfeydd Incwm Sefydlog. Hefyd, mae'r polisi hwn wedi cael ei addasu i gyfleu ymrwymiad y Bartneriaeth i adrodd yn unol â gofynion TCFD ac i gefnogi'r Awdurdodau Cyfansoddol gyda'u hadrodd TCFD eu hunain (pwynt 33).

Hefyd, mae Hymans wedi darparu adroddiad diweddarau yn asesu'r cynnydd y mae'r Bartneriaeth wedi'i wneud yn ystod y 12 mis hyd 31 Mawrth 2022, mewn perthynas â Buddsoddi Cyfrifol a'r Risg Hinsawdd, ac mae'n tynnu sylw at rai o'r prif feysydd. Mae'r adroddiad hwn hefyd yn manylu ar rai meysydd lle nad yw'r gwaith wedi gwneud cynnydd dros y flwyddyn a'r meysydd posib ar gyfer gweithgarwch/gwelliannau yn ystod 2022/23.

Os yw'r polisiâu yn cael eu cymeradwyo, byddant yn cael eu diweddarau ar wefan y Bartneriaeth.

**ADRODDIAD MANWL YNGHLWM?**

**OES**

## GOBLYGIADAU

Polisi, Trosedd ac Anhrefn a Chydraddoldeb <b>OES</b>	Cyfreithiol <b>DIM</b>	Cyllid <b>DIM</b>	Materion Rheoli Risg <b>DIM</b>	Goblygiadau Staffio <b>DIM</b>
<b>Polisi</b> Mae'r Polisi Pleidleisio, Polisi Gwrthdrawiad Buddiannau, Polisi Risg a'r Polisi Risg Hinsawdd i gyd yn ddogfennau ffurfiol Partneriaeth Pensiwn Cymru.				

## YMGYNGHORIADAU

Dylid cynnwys manylion unrhyw ymgynghoriadau a gynhaliwyd yma

**Adran 100D Deddf Llywodraeth Leol 1972 - Mynediad at Wybodaeth  
Rhestr o Bapurau Cefndir a ddefnyddiwyd wrth baratoi'r adroddiad hwn:**

### **MANYLIR AR Y RHAIN ISOD**

Teitl y Ddogfen	Cyfeirnod Ffeil	Y manau lle mae'r papurau ar gael i'r cyhoedd eu gweld/ <b>DOLEN GWEFAN</b>